


沈乃文主編

明別集叢刊 第四輯

第四十五冊

黃山書社





國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020 年國家古籍整理出版規劃重點項目

沈乃文 主編

明別集叢刊 第四輯

第四十五冊

黃山書社



(明) 許弘綱 著

羣玉山房文集七卷

清康熙四十一年許氏百城樓刻本

群玉

山房文集

卷一

許弘綱

前大司馬少薇許公仇直之

愛之心難進易退之節正身型俗之矩載在

國史傳於家乘卓然不朽名臣也公棄世已若干年人猶景企不置由公當日奏疏猶存及生平著述歷歷可考也國時久故漸湮沒其後

有將重壽之梓而屬余為之序竊士君子出而見用於世其見於勳伐遠乎時會之適然惟見于編列者則隨地有當盡之職隨時有應進之言然得失利害一怵於中則噤口縮舌以自全者比皆是誰肯痛哭流涕長太息輕犯至尊之威以快其議論之所及不遇受言

之主其獲罪蒙譴何可勝道況公筮仕之時何時乎萬曆中年廟堂養拙默之癰臣列興元黃之戰君子小人之辨清公則持國是存政體回上怒達下情侃侃鑿鑿以矢陳而不失忠厚之風故蒙特論平正之褒且其內使四出征湖稅征害稅加派頻繁海內騷然公先後

條奏參稅監留粵稅絕無忌器之嫌卒能委曲調停俾上成轉圜之美其他有失必糾有情必通未易更僕數愛感世危治朝之臆旦日星而昭河嶽維時代已移易而讀公疏卑猶可見公之心蓋公所素具者貞純之心也而即潔白之心也觀夜告有軒見於製錦洗心有

亭見於建乎其始終于功名者皆
始終於貞純潔白之一心也公履
盛知退屢在告里居讀集中諸作
競上惟顯親是圖而并孝上於外
家公忠誠著于國孝友著於家胥
於是集微之余所以捧讀其集累
企其人而不忍釋也公籍娶之東
陽余兒子曾繼承之於娶云義烏

序三

因屬余兒子來請今草數語郵寄
義烏弟諭兒子曰許公由縣令起
家能望主如是、即爾之歸表也
當錄其集一通為朝夕鏡而以原
本歸其裔以待其刻之成余亦得
挂名於名臣之集以傳不大幸歟
時

康熙壬午中秋

賜進士第翰林院侍讀學士吳趨後

學沈朝初拜撰



序四

群玉山房文集叙

自昔人有三不朽之說而立言與立德立功遂
鼎足千古予以為非言能不朽原本德功以為
言斯言不朽也無德無功雖有言終不可以言
言也古帝王之典謨與其功德俱懋可勿具論
當其時左右大臣如皋夔禹棄之在唐虞伊傅
周召之在商周末嘗以言自表著而其當日之
慶歌訓誥皆足以贊襄至治鼓吹休明蓋其人
有言非言言有言皆其原本於德功者也原本

鄭序

一

於德功以為言是誠無意於言者無意於言而
言立焉斯其言大非後世文人之言矣後世文
人之言皆其有意於言者也有意而言即如叶
宮調徵繡虎雕龍不過流連於月露之形變幻
於風雲之態而已求其有造於斯民有裨於家
國直如蜃樓土餅而無所用夫言而無造於斯
民無裨於家國乃猶抗顏自負於不朽之盛事
也豈不顏厚而忸怩哉 大司馬許老先生所
謂無意於言而言立者也先生誠心質行儻才

亮節自初服以至歸休未嘗少變是故敷歷三
朝而為朝野所依重聖明所眷注者始終一日
豈特不可令人目之即古人中與之頡頏者亦
不多矣所著有群玉山房文集篇帙不繁而義
理精至大率身之所履手以傳之心之所蘊筆
以紀之一生不肯沾七文人自命而其言正非
文人自命者所敢望故人以為先生之言而余
以為非先生之言先生之德之功也所謂無意
於言而言立者也予嘗統論三代以下之立言

鄭序

二

者兩漢有隨陸鄒枚班馬而獨推貴粟治安暨
天人三策三國有應劉阮禰諸子而獨稱出師
二表暨偉長中論唐有劉柳元白等而敬輿之
奏議與退之原道特聞宋有錢楊歐蘇諸公
而文章經國者輒歸韓范司馬繼述道統者則
曰濂雒關閩至於昭代文章之士如信陽北地
歷下瑯琊諸賢競秀雲蒸霞變曷可枚舉而一
代之所尊崇其言以為高山之仰景行之行者
則莫如三楊劉顧及李南陽王三原王新建諸


元老由是觀之先生言之可重不可知乎先生
立朝訐謔壯猷焜燿一世原不徒以言重而先
生之言反以先生之人重余故以為先生之言
非先生之言先生之德之功也原本德功以為
言其言且將與唐虞三代之大臣爭烈而澡唐
宋以及昭代之碩輔不問而信其為伯仲等夷
也天子於先生之卒震悼賜祭余承乏寶婺奉
命有事於先生之塋事竣先生之子郡守公以
先生文集付余叙余何能以言重先生第余重
鄭序

三

先生之人重先生之言則不能無言於先生之
言云爾

崇禎辛巳午日鄭下鄭滂書於金華公署之仙

石軒



羣玉山房文集目錄

卷上一

績溪縣丈量敘

丈量間後敘

留都仕集敘

浦陽義泉朱氏族譜敘

重脩義烏縣志敘

張武選君近述錄敘

赤岸馮氏重脩族譜敘

梅岡先生詩集敘

羣玉山房集目錄

重脩家譜敘

給諫姚公疏草敘

會源蔣氏族譜敘

重脩家譜敘

侍御衡菴鄭公文集敘

燕遊草敘

送邑侯惕菴黃父母入覲敘

賀鳳梧張公祖榮轉大叅敘

賀邑侯惕菴黃父母考績馳封敘

賀浙西周兵憲敘

送義烏周令公調德清敘

卷下一

賀金華龍令公考績貤封敘

賀振龍郭侯榮轉敘

送蔡侯入覲敘

送金華龍父母入覲敘

賀貢侯榮封敘

賀貢侯榮滿敘

賀鄭大尹榮覲敘

躬符柯侯德政錄敘

羣玉山房集目錄

二

張母趙太孺人八旬壽敘

賀岳父丁翁六旬壽敘

賀盧母胡太夫人七十壽敘

賀太學敬輿湯公六十壽敘

賀岳母虞太安人七十壽敘

賀學正江魯南配樊夫人八袞敘

賀趙大巍表兄七十敘

賀禹南盧親翁七十壽敘

賀盧親母趙宜人七十壽敘

賀方伯王廻溪六十敘

家禮纂要敘

昭仁許氏作求錄敘

唐詩彙抄敘

附頌跋約

奉賀柯父母奏績承恩頌

雙慕冊跋

趙完白畫卷跋

宗族燕會約 前篇

宗族燕會約 後篇

歸全菴議約

羣玉山房集目錄

三

裕後亭訓語 二篇

卷二

碧霞羽客傳

陳對湖先生傳

徐雲臺先生傳

赤岸樂善處士馮公傳

昭仁許氏源流傳

岳母許孺人小傳

卷三

洗心堂夜告軒記

右華周公生祠記

余峰張侯去思碑記

重脩崇正書院記

石井潭龍王廟記

端州公署夜告亭記

孫塢記

卷四

明故處士友塘丁公偕配王孺人合葬墓誌

銘

明故處士貴塘丁公偕配許孺人合葬墓誌

羣玉山房集

目錄

四

銘

誥封恭人都察院右僉都御史甘公元配吳

夫人墓誌銘

學正魯南江公墓誌銘

明故太學生君垣李生偕配許孺人合葬墓

銘

明故可菴趙公偕配盧安人合葬墓誌銘

明故文學吾泉先生墓誌銘

明故介石吳公配虞孺人合葬墓誌銘

明故誥封中大夫湖廣布政使司右叅政近

槐王公暨元配杜淑人合葬墓誌銘

明故王府典儀華南丁公偕配許安人合葬

墓誌銘

明故文學星垣陳先生墓誌銘

明故贈徵仕郎蘇州衛經歷緯宇丁公墓誌

銘

明故大中大夫廣東叅政梅巖蔡公墓誌銘

明故刑部員外郎禹南盧公偕配趙宜人合

葬墓誌銘

明故處士一山趙公墓誌銘

羣玉山房集

目錄

五

明故處士樂山葉公墓誌銘

附墓表

明故處士郭公配盧氏合葬墓表

卷五

祭方伯懷莘盧公文

奠亡室丁孺人文

祭丁二尹文

祭甘中丞配吳夫人文

祭松南葉老師文

祭先姑文

祭柳春沂年丈文

祭劉健菴督撫文

祭徐石樓年丈文

祭趙上乾主政文

祭張三陽親翁文

祭祝浩峰年丈文

公奠浙撫蘇封翁文

祭王太蒙年丈文

祭徐觀我中丞文

祭蔡梅巖薦師文

羣玉山房集目錄

祭張太夫人文

祭周寅所年丈太夫人文

祭姚通所太母文

祭趙姑文

祭母舅李怡亭公文

公擬祭松江郝二尊文

祭左年伯文

祭張母毛太夫人文

祭岳父丁華南公文

祭金親母文

六

辛亥京察宿院告天文

度庾嶺祭張曲江相公文

祭威靈廟公文

先考百歲祭文

岳父華南丁公百歲祭文

祭禹南親翁文

祭岳母許氏安人文

卷六祭長婿張太學文

王府典膳裕菴丁公行狀

總戎雪湖王公行狀

羣玉山房集目錄

先考妣行狀

卷七

高伯祖考尚德公像贊

高祖妣王安人像贊

曾祖妣龔安人像贊

祖妣金安人像贊

叔祖考周宇公像贊

少軒兄像贊

龍光侄像贊

岳父華南丁公像贊

七

岳母許安人像贊

少華丁公像贊

鶴亭丁公像贊

節嬪朱母薛太孺人像贊

汝用先生像贊

冲元楊公像贊

彬明葉兄像贊

岳父趙處士公像贊

岳母虞安人像贊

廸吾蔣翁像贊

羣玉山房集目錄

處士丁公像贊

八

目錄終

羣玉山房文集卷上一

婆東許弘綱著男

嘉祐

欽充

孫欽堯訂梓

嘉祐

欽充

曾孫

荃

元孫

佳來

淳鉞

脩來

重輯

敘

績溪縣丈量敘

今

上御極之九年歲在辛巳

羣玉山房集卷上一敘

一

詔曰今天下承平日久強者兼弱者削稅不當於其產民重困焉咨爾郡邑其祖原額清丈之務稱朕意於是公卿之謀畫者悉殫厥心有司百執事爭奔走服勞以共承

天子明詔母忽也令始下時當予甫視邑商諸邑父老言人人殊或者曰績之爲土窄且磽民剛而尚氣畫疆以守世無越焉彼狡焉者欲求多尺寸道無由也業素定而更定之將必有奸頑起射利焉是以清之之故澗之也猶治絲而棼矣且民勤於役費將不貲弗丈便或者曰不

田之丈也豈以後民將浮糧務去耳績小而衝攝乎大國彼逃亡逋負者戶相望焉非浮糧之以耶不以此時歸稅于產俾享土宜者輸公家之賦謂窮鄰何且一勞永逸斃費永寧古之訓也丈之便議持兩端遲且踰月會有詔趣有司毋憚勞毋以小民不願爲藉口於是言不便者誦矣爰布令稽聚簡役而責成焉約法數十與共守之始事於季秋之望凡三易朔而工成役之興也予以印綬屬江文學取常祿糊余口披褐阡陌間江文學之涖邑也惟恪籍庫

羣玉山房集

卷上一敘

二

物俱入目中民間疾苦詢訪殆盡老幼日與令相忘至則擁馬首而恬不爲意矣丈旣竣按畝登諸籍又凡數月而始定字源不易存舊額也編號以次象魚鱗也圖形必肖便稽查也官民一則從近例也多餘不科遵明詔也塋畔免量遺民利也開墾額產畝同稅而不同步別其等也版成而類上之司徒披籍賦民民始稱便一切耕傭之輩產無立錫室如懸罄而驚駭於胥徒流移于打門催稅者若一洗而去矣紛爭勞費始雖果若人言藉令以不便

羣玉山房集

卷上一敘

三

壅德意績民寧有息肩之期耶一勞而久逸斃費而永寧父老其見德化之成哉嗚呼役興而與民習其事業就而與民樂其成令之職也不可以無言於是乎述始末而爲之敘

丈量冊後敘

余常窺石焰鑿祥雲陟大鄣之巔徘徊三天子都而不能去也當吳越之分野續殆其上游歟故水走四鄰無入者其商賈之利不通而四方之財不聚有繇然矣男子躬耕以爲養故不饜膏粱女子辟繡以貿資故鮮曳羅綺力作而用儉蓋公劉氏之遺民也昔人有言擇瘠土而處之勞其民而用之嗟夫瘠土入薄勞民力疲卒遇凶荒饑饉而撫之不時則殆矣予觀夫崇山峻嶺歷數百仞而上者猶布之種浮砂磊石幸

華玉山房集

卷上一敘

四

什百而一收者猶樹之種土瘠民勞孰甚於此哉幸墾土未租民食其力稍稍享遺利焉今弓步所施無遺咫尺后將按畝而科之遑問其孰肥孰瘠耶且裂疆以來鄰多竄稅虛源而無產者其山凡二百頃有奇巖石而不毛者其山又百頃有奇至歲開月闢陞而爲田地塘者尺寸亦皆山也欲無失額得乎東支西吾增此補彼

製云足額難乎爲下矣

詔曰茲役也有闢土無增糧民是以謹呼承

德意卽有多餘亦上之司徒不敢隱也萬一披籍

者據是生侈心謂績固沃壤也而繭絲之真莫尾其竟哉予之治績甫閱歲僅僅與清丈相始終生息休養百不一焉民未蘇也故詳民困于篇末俟來蘇者

華玉山房集

卷上一敘

五

留都仕集敘

盧君汝鳴家三峰下其地枕郭而面陽東西兩峴鬱鬱蔥蔥若拱揖於前而交相獻秀也君曰是且排闥顧我顧不稱嘉賓哉因稱賓峴而人亦曰賓峴先生云盧之以科第貴者不啻箭竹而君三世入貲爲郎皆中徒博士業大父午峰公簿祁門父東峰公簿靈川而君得江寧江寧故京兆屬邑五陵豪貴之浸淫剽奪任俠鬪雞走馬蹋鞠而六博者不少也故簿階視郡國稍進體貌視郡國稍隆而賦獄之繁視郡國恒什

羣玉山房集 卷上一敘

六

五君下車自中丞京兆暨諸御史臺無不噴噴江寧簿者人謂所居良赫赫江寧應不負君而君遽上書乞休不亟去不已也嗟嗟士亦志進取耳當盧君屈首受書膠序時鬱鬱不自得至用貲徒入成均志豈須臾忘馳騫耶簿雖羸足以自樹孰與朝游而夕去之必置身蓬蒿乃媿快哉天下之物重視之而重得之則他日必重失之烏雞之嗜鼠卽且之甘帶彼其徘徊係戀而不能舍者視之重也誠幻居之而幻去之則唐虞之揖讓杯羹耳彼巢由卞務之流所以子

子焉沉淵洗耳而不瞬者固未嘗以天下視天下也盧君始厄於膠序而入成均繼厄於成均而就邑簿閱三十餘年博一官而竟不勝其終朝之一擲則自下車之後以迄投轄之先寧復有身家一念襍之者而欲其聲名之不赫赫得乎君旣歸日益徜徉兩峴下髮之白者日以黑顏之渥者日以丹而日益揚其聲於里閭爲後生法蓋庶幾其旋元吉者余少習君及兩郎君因獲覩其所爲留都仕集與夫薦紳先生之爲詩古文詞相贈炙者乃余生平嚮往君則不以

羣玉山房集 卷上一敘

七

仕而以止誠謂夫能仕者未必能止而其汲汲於止者正所以仕而赫赫也嗚呼鐘鳴漏盡而夜行不休世豈少哉此宜視盧君爲何如人兩峴靈或羞與賓主矣

浦陽義泉朱氏族譜敘

不穀童而受詩家大人已命釋去更從吾泉朱先生受春秋先生爽朗高潔遺金三拾而三返之家徒四壁晏如也尊人靜軒公寢疾垂十年先生衣不解帶世稱篤行君子先生謝不敏曰余小子方潦倒學宮其敢博名高于蟬翼凡余夙夜所不敢康有先君子之訓在先君子規言矩行守完璞以貽後昆九京日邈而閭巷之稱潛德者必曰靜軒翁靜軒翁當其身如不及也而余小子何敢焉蓋余宗自槐里公正諫公來

羣玉山房集

卷上一敘

八

而名在漢唐之籍矣譬諸桑欽水志則崑崙星宿也余不敢盡徵其近者斷自余邑西朱始邑西之有朱氏自宋端拱間始也余祖承事公官于婺因家焉一傳而寺丞公臨再傳而刺史公適之四傳而進士公級六傳而吏部侍郎公質暨進士公羣侍省進士公萬彬彬箭竹也厥後西朱之析者爲馬豹橋爲藥店爲橫街爲陽山頭爲赤塘藥店之析者爲富陽馬山馬豹橋之析者爲黃大塘橫街之析者爲茜溪爲四牌樓爲下珠畝四牌樓之析者爲十六都崑崙之

出始千溪萬派而不可竟矣余家義泉西朱析也繁豈以簪纓門閥相頡頏斤斤清白吏子孫而足耳迄于今而士不貳行者若而人女不二字者若而嬪若余嫂氏薛者矢死數十年矣榮榮奉弱子天復而嚴事繼姑無違色也彼藉詩書傳保乎哉猶然卓犖也而余小子何算焉蓋不穀習聞師說而重有所感也夫氏族之來尚矣唐虞之世濟美者十六濟惡者三天之生是若薰蕕耶抑漸靡之使然耶傳不云乎高岸爲谷深谷爲陵三后之姓于今爲庶善敗繇已而

羣玉山房集

卷上一敘

九

繇祖乎哉世之氏族相高者往哲則附炎赫則附附者誣而信者棄則惑之甚者也方正學之序譜也曰無而書者誣其祖有而不書者棄其祖夫世皆徇于誣祖之榮而頓忘棄祖之罪非惑與朱之受氏也盛而傳徵而不謬歷世三朝歷年六百而英賢猶旦暮遇也不庶幾乎古之濟美而比屋可封者與不穀因先生而獲私淑靜軒公又獲因靜軒公而悉論其世也語曰盛德之後必有達人然則先生之裔梓相輝而邦人稱篤行者顧不有所自哉斯義也不穀固將